

تۆرك يوردى

ناشرى: تۆرك يوردى
مدبرى: جلال سامر

۱۳۳۳ صاى ۲۰

۲۲ تشرىن ئانى ۱۳۳۳

۱۴۸ صاى ۱۳ جلد ۶ پىل

خاقانه قیصر

- قیصرک استانبولی زیارتی الطباعلرندن -

آلمان مارشک صوک نغمه‌لری، اوزاقلاشان و ارییهن دومان آرتیق‌لری کبی اوچوشیوردی ...
ایکی حکمدار، آماطولی قیزلرینک شعرلی خالیرینی چیکنه‌یه‌رک یاقلاشدیلر: بزمنکی صرمه‌لرینک،
قوردلارینک، ائلسلرینک شاهانه پیرلتیسی ایچنده بریغین ایپک کبی بیاض، حلیم، نورانی ... اونلرکی
قاراکلک چوکش آتشم دکزلری رنکسده صیقی جاکتیه طونج وچلیک کبی قاتی، یکپاره، وقور
وجه‌یک!!

کنج قیز، ایکی آئنده ایکی خزان دم‌تیه: «محتشم آلمان قومنک معظم شهریارینه تورک چوجوقلرینک
حرمت و سلامنی عرض، ایچون ایلرله‌دی .

حرمتدن طوغان درین سس‌سزک اورتیه‌سند، ایمپراطورک بربرینه‌سرت و سیریچ چاربان مهموزلری
شهره‌وارانه بروضیت اعلان ایتدی . آلدیونلی آللری پانطالونه یاییشمش، قویوصاری چیزمه‌لری
یکدیگرینه بیتشمش، ضابطندن امر آلان برچاوش، ویاملشدن الهی برسس طویان دیندار برشهنشاه
کبی دیکه‌یوردی !

چارشاقلی قیزلرک سربدیکی چیچکلر، هوالردن بو احتشام حضورینه بررنک وقوقو صاغناغی کبی
یوشانیوردی .

حکمدار محبتنک پیرائمش برحس انقازی اولدیغنی ادما ایدنلردن بری، بومنظره‌یی کورسه‌یدی،
بیلمه‌م حالا اصرارندن واز کچمه‌زمیدی !

اووخ، آلت، آلت تاجدارلر، ملت‌دینهن جوشغون وشاعر برقلبک یاراتدینی وصوکرده طاپدینی
اک کوزهل استعاره‌لر!

بزه، اونلرک قارشیسنده عصرلردن بری ییقیلما‌دن، حتی آشینادن قالمش نفیس برآبد، برمعبد
سیر ایدرکی اسکی، دیندار، اصیل برشی طویوردق!

ایمپراطوره کوچوک خانمه‌شکر، ایتدی. صول آئنده قیایچی وقامچیسی هیجان لرزه‌لریله قیپردانیوردی.
بو اوچنجی استانبول سیاحتنک ایلک آدیمده کوردیکی یکیلک قیزلرمزک آرتق سیاه برر اوماچی
دکل، کبارونازک برر مخلوق اولدقلرینی مشاهده ایتک دکلیدی عجب!

یورودیلر. وقالباقلر، نشانلر، قیلجیلر، قوردونلر و صرمه‌لر مستثنا برحشمت شلاله‌سی طرزنده
باصاماقلردن پیرلنیلرله دوکولدی .

قیرمزی چوخه شالوار وچیکتنک صرمه‌دن چیچکاری ایچنده آلتون برهیکل کبی لوند آرابه‌چی
«کردونه» بی چکچک آزعین آتلیک دیزکینلری آئنده، حکمدارلره قارشى دیوان طور یوردی .

استانبولک، صیجانی ایچنده سربنک، ایشینی ایچنده کولکه سه‌زیلنک نظیرسز برصوک بهار هواسی
- آلمانلرک دیدیکی کبی بر هووه‌نزولهرن وده‌تیه - بوشاهانه ملاقات ساعتیه سمان اینن برهدیه ظرافتی
صاچیوردی .

تفنگلر، سونکولر، مزراقلر، باراقلر، قوردونلر، چیمه لر، آتلر، قیایجلر، بوتون بوظفر و سلطنت مالزمه لری معظم سکوت ایچنده طالغالانیوردی .

مرد کوکسلر هوایه قیصه و طولغون دعا سسلری آندی : چوق یاشا، چوق یاشا، چوق یاشا !
وخاقانله قیصر معظم برکونش کی معیت سواریلرینک ماوی بولوطی ایچنده غیب اولدی !
گذرکا هده هب بر آغز دن ، هب عینی گلهری حایقیران خلق نه قدر آیری آیری دوشونیور، نه قدر آیری آیری مراقلرله چیرپینیوردی ! دیکله یك :
صاریقلی وآق صاقاللی بر مسلمان : « ییگیت قرال، زورلی آدم ! باباییگیت، باباییگیت !... » الله صاقالاسین !
دیوردی .

برکنج، آرقداشنه : « آلمانیا یی تمشیل ایدن برهیکل کی شاهانه ! » دیوردی .
کچکین بر محله قادینی، طاقدن دوکولن دفنه یاراغنی غلبهلق آره سنده ، ایتله قاقیله قوقلایور ، بر طرفدن یومروقلریله اوستته دوشنلری ایتیور، بر طرفدن ده یاننده کی قادینه : « اوخ آمان، نه کوزهل قوقیور ، درت ییلدر بورنم دفنه دالی قوقوسنه حسرتدی . آیول !... خانم، قرال کوزهل آدم، کوزهل آدم... اقد مزده اولیا کی بم بیاض ... ریم ایکسینک ده قیلیجی کسکین ایتسین . » دیوردی .
سسنده تعجب طویولان بر آدم : « بوقیصر نه وقت یملر، نه وقت اوقور یازار، نه وقت او بور ؟ هر دقیقه آیا قده ، هر دقیقه بر باشقه بو جاقده ، هر کون بر باشقه مملکتده ! اولور فعالیت دکل ! » دیوردی .
چوجنگ بری : « بنی آز دیلر، کوره مدم که، کوره مدم که ! » دیه آغلایوردی .

دینج براختیار ، مغرور بر طورله :

« بن بو ایمراطورک پدرینی ده کور مشم . بونلر انسان ده کل افندم ، خارقه در خارقه ! باباسی فرانسز لری تپهلدی ، بو بوتون دنیای تیره تیور . کیم بیلیر بونک اوغلنه ده بودنیا آز می ، کوچو کمی کله حک ؟ اوده ظاهر مریمخی ، زهره یی فتح ایده جک ! » دیوردی .
ایشته خاقانمرک مسافری، اوکون نازنین خلیفه لر بلده سنده هر قلبه فرحلق و سرینلک ویرلر بر بهار ملت می آسر کی کلدی . و هر طوقون دینی قلبده بشقه بر هیجان اولدی .
اوکون قیصر همزده یاشادی .

روشن اشرف